



Lëtzebuerg, den 23. Januar 2025

MOTIOUN

D'Chamber vun den Deputéierten:

stellt fest, datt

- et aktuell kee legale Kader gëtt, deen de Beruff vum Assistant vétérinaire/Tiermedizinische Fachangestellte a vum Déierfleegeger definéiert a reglementéiert;
- de feelende legalen Encadrement eng Ongerechtegkeet géintiwwer den anere Beruffer an deem Secteur duerstellt;
- d'Personal an dëse Beruffer dacks Leit aus dem Ausland sinn, déi mat enger exzellenter Ausbildung heihinner schaffe kommen, déi si an der Klengdéierepraxis awer quasi net uwende kënnen, well dëse Beruffer hei zu Lëtzebuerg de legale Kader feelt;
- dës Beruffer mam entspreichende legalen Encadrement och eng méi grouss Hëllef an eng Entlaaschtung fir de Veterinär kënnen sinn;

ass sech bewosst, datt

- dëst och wichteg an néideg Beruffer am Secteur vun der Déieremedezin a -fleegeger sinn;
- d'Personal an dëse Beruffer an der Praxis vill Akten net an Eegeverantwortung maachen dierf an de Veterinär domat déi voll Responsabilitéit dréit, bzw. déi Akte selwer maache muss (z.B. Bluttprouf huelen);
- en entspreichende legalen Encadrement dëse Beruffer dann och déi néideg Valorisation géing ginn;

fuerdert d'Regierung op,

- deen néidege legale Kader an dëser Legislaturperiod schnellstméiglech ze schafen, deen de Beruff vum Assistant vétérinaire a vum Déierfleegeger definéiert a reglementéiert.



ALEXANDRA
SCHOOOS